

ԵՎՐԱՒՆՏԵԳՐՈՒՄ

ՔՆՆԱՐԿՎԵՑԻՆ ՎՐԱՍՏԱՆ-ԵՎՐԱՄԻՈՒԹՅՈՒՆ
ՕՐԱԿԱՐԳԻ ՀՐԱՏԱՊ ՀԱՐՑԵՐԸ

44,5 ՄԻԼԻՈՆ ԵՎՐՈ ՏՆՏԵՍԱԿԱՆ ԻՆՏԵԳՐՄԱՆ ՀԱՄԱՐ



Պաշտոնական այցով Թբիլիսիում էր գտնվում Եվրամիության ընդլայնման եւ հարեւանության քաղաքականության հարցերով եվրակոմիսար Իոհաննես Հանը:

Հապետ Իրակլի Ղարիբաշվիլին, Վրաստանի կառավարությունը պատրաստվում է արեւելյան գործընկերության Ռիգա-



(Շարունակությունը՝ 2-րդ էջում)

Այցի շրջանակներում, եվրակոմիսարը հանդիպումներ ունեցավ Վրաստանի նախագահ Գիորգի Մարգվելաշվիլու, վարչապետ Իրակլի Ղարիբաշվիլու, արտաքին գործերի նախարար Թամար Բերուլաշվիլու, եվրոպական եւ եվրատլանտյան կառույցների ինտեգրման հարցերով Ղազիբ Բաքրաձեի հետ:

Հանդիպումներում քննարկվեցին Վրաստան-Եվրամիություն օրակարգի հրատապ հարցերը, եվրամիության հովանու ներքո Վրաստանում իրականացվող տնտեսական նախագծերը: Առանձնակի քն-

նարկման առարկա դարձավ Վրաստան-Ռուսաստան հարաբերությունների, Մոսկվայի կողմից Աբխազիայում եւ Տիսինվալիի տարածաշրջանում իրականացվող քաղաքականության հետ առնչվող հարցերը: Վրացական կողմի հավաստմամբ, Վրաստան-Եվրամիություն հարաբերությունները թեակնդիտում են բացարձակապես նոր փուլ: Ինչպես նշեց վար-

ՀԱՄԱԺՈՂՈՎ

ԻՐԱԿԼԻ ՂԱՐԻԲԱՇՎԻԼԻ. «ՄԵՐ ՏՆՏԵՍԱԿԱՆ ՔԱՂԱՔԱԿԱՆՈՒԹՅԱՆ ԱՌԱՋՆԱԶԵՐԹՈՒԹՅՈՒՆԸ ԱՌԵՎՏՐԻ ԱԶԱՏԱԿԱՆԱՅՈՒՄՆ Է»



Աշխարհի քաղաքական ու գործարար ընտրախաղի ներկայացուցիչները շվեյցարական Դավոս քաղաքում, հունվարի 21-24-ին ամենամյա Համաշխարհային տնտեսական համաժողովի ընթացքում, քննարկեցին զինված հակամարտությունների սրվելու եւ տնտեսական ճգնաժամի ֆոնին աշխարհում վստահության վերականգնման ուղիները:

րակության կազմում էին փոխվարչապետ եւ էկոնոմիկայի նախարար Գիորգի Պերտախան, «Վրացական երկաթուղու» գլխավոր տնօրեն Մամուկա Բախտաձեն:

Ելույթ ունենալով գագաթաժողովին Վրաստանի վարչապետը հայտարարեց, որ Վրաստանի տնտեսական քաղաքականության առաջնահերթությունն առեւտր-

(Շարունակությունը՝ 2-րդ էջում)

Համաժողովի աշխատանքին մասնակցեց նաեւ Վրաստանի պաշտոնական պատվիրակությունը՝ վարչապետ Իրակլի Ղարիբաշվիլու գլխավորությամբ: Պատվի-

Կվիրիկաշվիլին, ԱԳ նախարար Թամար Բերուլաշվիլին, «Համա-ներդրում» հիմնադրամի գործադիր տնօրեն Գիորգի Բաճիաշվիլին, ազգային ներդրումային գոր-

ՀԱՐՑԱԶՐՈՒՅՑ

ՅՈՒՐԻ ՎԱՐԴԱՆՅԱՆ. «ԻՆՁ ՀԱՄԱՐ ՄԵԾ ՊԱՏԻՎ Է ՀԱՅԱՍՏԱՆԸ ՆԵՐԿԱՅԱՅՆԵԼ ՄԵՐ ԱՄԵՆԱՄԵՐՁԱՎՈՐ ՀԱՐԵՎԱՆ ՈՒ ԱՄԵՆԱՄՏԵՐԻՄ ԲԱՐԵՎԱՍ ԵՐԿՐՈՒՄ»



Հարցազրույց՝ Վրաստանում Հայաստանի արտակարգ եւ լիազոր դեսպան Յուրի Վարդանյանի հետ

- Նախ մի քանի խոսք՝ Ձեր մասին: Հաճախ ենք լսել Ձեր

մարզական ձեռքբերումների մասին, նշանակալի աշխատանքային փորձ եք կուտակել նաեւ: Հայաստանի կառավարության բարձր պաշտոններում:

- Անշուշտ, ինձ համար հաճելի է, որ սպորտի երկրպագուները չեն մոռանում մարզական ձեռքբե-

րումներս: Մարզական կարիերայիս ընթացքում քրտաջան աշխատանքի շնորհիվ ինձ հաջողվել է նվաճել ամենաբարձր «գագաթները», ըմբռնվել երկրպագուների սերն ու հիացմունքը, բնականաբար, կյանքիս այդ ժամանակաշրջանի հիշողությունները շատ թանկ են ինձ համար: Սակայն, պետք է խոստովանեմ, որ այժմ պետական ոլորտում գործունեությունս ամբողջովին կլանում է իմ ժամանակը եւ բավարարում աշխատանքային պահանջներս:

Դուք իրավացի եք, պետական բարձր պաշտոններում իմ ծառայության աշխատանքային փորձը ինձ վստահություն է տալիս, որ հայրենիքիս համար օգտակար կլինեմ նաեւ Վրաստանում Հայաստանի դեսպանի պատասխանատու դիրքում:

Առհասարակ, պատասխանատվության զգացումը միշտ եղել է ինձ համար այն հզոր խթանը, որը ուղղորդում է իմ յուրաքանչյուր գոր-

(Շարունակությունը՝ 4-րդ էջում)

ՎՐԱՍՏԱՆԸ ՑԱՎԱԿՑՈՒՄ Է ՀԱՅ ԺՈՂՈՎՐԴԻՆ

Դ.ԶԱԼԱԴԱՆԻԱ. «ՀՈՒՄՈՎ ԵՆՔ, ՈՐ ՀԱՆՅԱԳՈՐԾԸ ԿՊԱՏԺՎԻ ՕՐԵՆՔԻ ՈՂՋ ԽՍՏՈՒԹՅԱՄԲ»

Վրաստանի արտաքին գործերի փոխնախարար Դավիթ Ջալադանիան ցավակցություն է հայտնել Գյումրիում ռուս զինվորի կողմից զնդակահարված Ավետիսյանների ընտանիքի հարազատներին:



Վրաց դիվանագետը ԱԳՆ-ի անունից տեղի ունեցածն անվանեց «ցնցող փաստ»: Ինչպես նա հայտարարեց ՋԼՄ-ների ներկայացուցիչներին, «սնդակորը պետք է պատասխանի օրենքի ողջ խստությամբ»: «Այն, ինչ տեղի ունեցավ Գյումրիում, ցնցել է մեզ, վրդոված ենք խաղաղ ընտանիքի դեմ իրականացված սահմուկեցուցիչ ոճրագործության համար եւ անկեղծ ցավակցություն ենք հայտնում զոհված ընտանիքի հարազատներին: Ցանկանում ենք հուսալ, որ հանցագործը կպատժվի օրենքի ողջ խստությամբ»,- հայտարարեց Ջալադանիան:

Վրաստանում Հայաստանի դեսպանության մոտ վրացական մի շարք կուսակցությունների եւ կազմակերպությունների կողմից անցկացվեց համերաշխության գործողություն: Ակցիայի մասնակիցները դեսպանության շենքի մոտ բե-

րեցին ծաղիկներ, երկու երկրների դրոշները, մոմեր վառեցին:

Ակցիայի կազմակերպիչներից մեկի՝ Գիորգի Չինչալաձեի խոսքերով, գործողությունը ծրագրվել է «Ֆեյսբուք» սոցիալական ցանցի միջոցով եւ հետապնդում է հայ ժողովրդին համերաշխություն արտահայտելու նպատակ: «Մենք ցավակցում եւ զորակցում ենք Ավետիսյանների հարազատներին, Գյումրիի ողջ բնակչությանը: Համամիտ ենք Ավետիսյանների ընտանիքի դեմ ոտնձգություն կատարած ոճրագործին օրենքի ողջ խստությամբ պատժի ենթարկելու Գյումրիի բնակիչների եւ ողջ հայ ժողովրդի կարծիքի հետ»,- հայտարարեց Չինչալաձեն:

ՀՈԳԵՀԱՆՔԱՏԻ ԱՐԱՐՈՂՈՒԹՅՈՒՆ ԵՎ

ՄՈՒՍԱՎԱՌՈՒԹՅՈՒՆ Ի ՀԻՇԱՏԱԿ ՉՈՀՎԱԾ ԱՎԵՏԻՍՅԱՆՆԵՐԻ

Հունվարի 12-ին Գյումրիում տեղի ունեցած զարհուրելի սպանության լուրը ցնցեց մեզ՝ վիրահայերիս:

Ողբերգորեն զոհված Ավետիսյանների հիշատակին մվիրված հոգեհանգստի եւ մոմավառության արարողություններ անցկացվեցին Թբիլիսիի, Բաթումիի, Ախալքալաքիի, Ախալցխայի, Նինոծմինդայի, Ծալկայի, Վրաստանի հայաբնակ բնակավայրերի բոլոր եկեղեցիներում: Վիրահայերս միանում ենք կատարած ծանր հանցանքի համար ոճրագործին օրենքի ողջ խստությամբ պատժելու համաժողովրդական պահանջին:

«Վրաստան» թերթի խմբագրությունը իր եւ բազմաթիվ ընթերցող-



ների անունից զորակցություն է հայտնում Գյումրիում ողբերգորեն զոհված Ավետիսյանների ընտանիքի հարազատներին ու բարեկամներին, ողջ Գյումրիի բնակչությանը:

(Թեմայի շարունակությունը՝ 7-րդ էջում)

ՎՐԱՍՏԱՆ-ՀԱՅԱՍՏԱՆ

ՊԱՇՏՊԱՆՈՒԹՅԱՆ ՈԼՈՐՏՈՒՄ

ԽՈՐԱՅՎՈՒՄ Է ՀԱՄԱԳՈՐԾԱԿՈՒԹՅՈՒՆԸ

Հունվարի 16-ին պաշտոնական այցով Վրաստանում էր գտնվում Հայաստանի պաշտպանության նախարարի առաջին տեղակալ Դավիթ Տոնոյանի գլխավորած պատվիրակությունը, որի կազմում էր նաեւ Հայաստանի զինված ուժերի գլխավոր շտաբի պետի առաջին տեղակալ, զեներալ-լեյտենանտ Էնրիկո Ապրիանովը:

Հայաստանի պատվիրակությանն ընդունեց Վրաստանի պաշտպանության նախարարի տեղակալ Լևեան Գիրշիաշվիլին: Հանդիպմանը կողմերը քննարկեցին Վրաստանի եւ Հայաստանի միջեւ պաշտպանության ոլորտում երկկողմ համագործակցության ներկան եւ ապագա հեռանկարները, անդրադարձան տարածաշրջանային անվտանգության խնդիրներին: Զրուցակիցները նշեցին, որ պաշտպանության ոլորտում երկկողմ համա-



գործակցության խորացումը առաջնահերթությունների թվին է դաս-

(Շարունակությունը՝ 2-րդ էջում)

ԵՎՐԱՒՆՏԵԳՐՈՒՄ



ՔՆՆԱՐԿՈՒՄՆԵՐԻ ԹԵՄԱՆ ՏԱՐԱԾԱՇՐՋԱՆԱՅԻՆ ԱՆՎՏԱՆԳՈՒԹՅԱՆ ՀԱՐՑԵՐՆ ԷԻՆ

Պաշտոնական այցով Թբիլիսիում էր գտնվում ԵԱՀԿ խորհրդարանական ասամբլեայի գլխավոր քարտուղար Սպենսեր Օլիվերը:

Այցի շրջանակներում, նա հանդիպումներ ունեցավ Վրաստանի նախագահ Գիորգի Մարգվելաշվիլու, վարչապետ Իրակլի Ղարիբաշվիլու հետ: Հանդիպումներում քննարկվեցին տա-

րածաշրջանային անվտանգության հետ առնչվող հարցեր: Կողմերը քննարկեցին նաեւ Եվրոպական եւ Եվրատյան տյան կառույցներին Վրաստանի ինտեգրման ուղղությամբ իրականացվող միջոցառումների հարցը:

ՔՆՆԱՐԿՎԵՅԻՆ ՎՐԱՍՏԱՆ-ԵՎՐԱՄԻՈՒԹՅՈՒՆ ՕՐԱԿԱՐԳԻ ՀՐԱՏԱՊ ՀԱՐՅԵՐԸ

(Սկիզբը՝ 1-ին էջում)

յում անցկացվելիք գազաթափողովին ներկայացնել կոնկրետ ծրագրեր:

Եվրամիությունը 44,5 մլն եվրոյի չափով նոր ֆինանսական փաթեթ կհատկացնի Վրաստանին ԵՄ-ի հետ տնտեսական ինտեգրացման նպատակով բարեփոխումներին աջակցելու համար: Համապատասխան համաձայնագիրը հունվարի 15-ին Թբիլիսիում ստորագրել են Վրաստանի վարչա-

պետ Իրակլի Ղարիբաշվիլին եւ Եվրոպական հարեւանության քաղաքականության ու ընդլայնման հարցերով եվրակոմիսար Յոհաննես Հանը:

«Եվրամիության կողմից հատկացվող ֆինանսական միջոցները կօգնեն Վրաստանին կատարելու ԵՄ-ի հետ խորացված եւ համապարփակ ազատ առևտրի վերաբերյալ համաձայնագրերի շրջանակներում երկրի ստանձնած պարտավորությունները, ինչպես նաեւ մասնավոր հատվածի զար-

գացմանն ու փոքր եւ միջին ձեռնարկությունների հնարավորությունների ուժեղացմանը՝ նոր կարգավորող միջավայրում ադապտացման գործընթացում»,- ստորագրման արարողությանը հայտարարեց Վրաստանի վարչապետ Իրակլի Ղարիբաշվիլին եւ հավելեց, որ, ԵՄ-ն ռազմավարական օգնության ծրագրի շրջանակներում, 2014-2017 թվականներին Վրաստանին կհատկացնի 330 միլիոնից մինչեւ 410 մլն եվրոյի չափով ֆինանսական ռեսուրսներ:

ՄՈՆԻՏՈՐԻՆԳԱՅԻՆ ԱՌԱՔԵԼՈՒԹՅԱՆ ՄԱՆԴԱՏԸ ԵՐԿԱՐԱԶԳՎԵՑ

Եվրամիության խորհուրդն ընդունեց որոշում, ըստ որի, Վրաստանում Եվրամիության մոնիտորինգային առաքելության մանդատը երկարաձգվում է երկու տարով, մինչեւ 2016 թվականի դեկտեմբերի 14-ը:

«Եվրամիության առաքելության միջո-

ցով տարածաշրջանում ապահովվում է խաղաղությունն ու կայունությունը»,- հայտարարեց արտաքին գործերի եւ անվտանգության քաղաքականության հարցերով Եվրամիության գերագույն ներկայացուցիչ Ֆեդերիկա Մոգերինը: Վրաստանում Եվրամիու-

թյան մոնիտորինգային առաքելությունը ներկայացված է Եվրամիության 22 երկրի 200 անգեւն ներկայացուցիչներով: Նրանք պաշտոնապես Վրաստանում գտնվում են 2008 թվականի հոկտեմբերի 1-ից՝ օգոստոսյան պատերազմի ավարտից հետո:

ՀԱՄԱԺՈՂՈՎ

ԻՐԱԿԼԻ ՂԱՐԻԲԱՇՎԻԼԻ. «ՄԵՐ ՏՆՏԵՍԱԿԱՆ ՔԱՂԱՔԱԿԱՆՈՒԹՅԱՆ ԱՌԱՋՆԱՇԵՐԹՈՒԹՅՈՒՆԸ ԱՌԵՎՏՐԻ ԱԶԱՏԱԿԱՆԱՅՈՒՄՆ Է»

(Սկիզբը՝ 1-ին էջում)

րի ազատականացումն է եւ աշխարհի առաջատար շուկաներին ինտեգրվելը: «Ասոցիացման համաձայնագրի ստորագրման արդյունքում, Վրաստանը վիթխարի առաջընթաց քայլ է կատարել: Այդ համաձայնագիրը թույլ է տալիս հանելու Եվրամիության հետ առևտրական հարաբերություններում սակագնային եւ ոչ սակագնային խոչընդոտները: Բացի այդ, այն կարգավորում է առևտրի հետ կապված հարցերի լայն

սպեկտր»,- հայտարարեց վարչապետը:

Այցի շրջանակներում, Վրաստանի կառավարության ղեկավարը հանդիպումներ ունեցավ Ադրբեջանի նախագահ Իլիյան Ալիևի, Լիտվայի նախագահ Դալիա Գրիբաուսկայտեի, Թուրքիայի վարչապետ Ահմեդ Ղալիբօղլուի, Շվեյցարիայի ԱԳ նախարար Վիդե Բուրկլիտերի, աշխարհի առաջատար ընկերությունների, բանկերի ներկայացուցիչների հետ, քննարկվեցին համատեղ իրականացվելիք նախագծերը:

Նշենք, որ շվեյցարական Դավոս քաղաքում անցկացվող ավանդական համաշխարհային տնտեսական գագաթաժողովին այս տարի մասնակցել են աշխարհի պետությունների եւ կառավարությունների շուրջ 50 ղեկավարներ, 2500 գործարարներ, քաղաքագետներ, ոչ



կառավարական կազմակերպությունների ներկայացուցիչներ ու փորձագետներ:

ԿՐԹԱԿԱՆ

ԹԱՄԱՐ ՍԱՆԻԿԻԶԵ. «ՄԱՆԿԱՎԱՐԺՆԵՐԻ ԳՆԱՀԱՏՄԱՆ ՆՈՐ ԶԱԺՈՐՈՇԻՉՆԵՐԸ ԿԳՈՐԾԵՆ ՀԱՅՈՐԴ ՈՒՍՈՒՄՆԱԿԱՆ ՏԱՐՎԱՆԻՉ»



Ինչպես հայտարարեց կրթության նախարար Թամար Սանիկիձեն, հանդիպմանը քննարկվեցին հանձնաժողովի աշխատանքի կազմակերպչական հարցերը: «Ընդհանուր կրթության մասին» օրենքում կատարած փոփոխությունների համաձայն, ըստ

Վրաստանի կրթության նախարարությունում անցկացվեց ուսուցիչների գնահատման եւ մասնագիտական զարգացման սխեմայով նախատեսված կարգավիճակի շնորհման կարգի մշակման նպատակով հիմնված պետական հանձնաժողովի անդամների առաջին աշխատանքային հանդիպումը:

որի, մշակվելու է ուսուցիչների գնահատման եւ մասնագիտական զարգացման սխեման, պարտավորություն էինք ստանձնել հիմնել պետական հանձնաժողով, որը մշակելու է բոլոր այն փաստաթղթերը, որոնք թվարկված են ընդհանուր կրթության մասին օրենքում: Համապատասխանաբար, հանձնաժողովը սկսում է աշխատանքը: Ըստ իս, կա 9 կետ, որ մշակվելու են հանձնաժողովի աշխատանքի շրջանակներում: Մենք իրականացնելու ենք կարելու եւ աշխատատար աշխա-

տանք»,- հայտարարեց Սանիկիձեն:

Նախարարի խոսքերով, հանձնաժողովի կազմում ընդգրկված են մանկավարժներ, դպրոցի տնօրեններ, պրոֆեսորներ, ներկայացուցիչներ՝ քաղաքի ինքնակառավարման մարմնից, տարբեր գերատեսչություններից, կրթության թեմայով գործող ոչ կառավարական կազմակերպություններից ու մանկավարժների արհմիություններից:

Նախարարի տեղեկատվությամբ, մանկավարժների գնահատման նոր չափորոշիչները կգործեն հաջորդ ուսումնական տարվանից:

ՎՐԱՍՏԱՆ-ՀԱՅԱՍՏԱՆ

ՊԱՇՏՊԱՆՈՒԹՅԱՆ ՈԼՈՐՏՈՒՄ ԽՈՐԱՅՎՈՒՄ Է ՀԱՄԱԳՈՐԾԱԿՈՒԹՅՈՒՆԸ

(Սկիզբը՝ 1-ին էջում)


վում ե՛ւ Վրաստանում, ե՛ւ Հայաստանում: Որպես համագործակցության առաջնային ուղղություն՝ կարելուվեց ռազմական կրթությունն ու ուսումը: Հայաստանի պաշտպանության նախարարի առաջին տեղակալը, օգտվելով առիթից, շնորհակալություն հայտնեց վրացական կողմին Սաչխերեի լեռնային պատրաստության ուսումնական կենտրոնում հայկական զինուժի անձնակազմի մասնագիտական վերապատրաստման բարենպաստ հնարավորություններ ստեղծելու համար:

Հանդիպման վերջում երկու պետությունների պաշտպանական գերատեսչություններում միջազգային համագործակցության համար պատասխանատու պաշտոնյաները ստորագրեցին վրաց-հայ-

կական երկկողմ ռազմական համագործակցության 2015թ. պլանը:

Այցի շրջանակներում, Հայաստանի պաշտպանության նախարարի առաջին տեղակալի գլխավորած պատվիրակությանը ընդունեց նաեւ Վրաստանի պաշտպանության նախարար Սինդիա Ջանելիձեն, իսկ Վրաստանի զինված ուժերի գլխավոր շտաբի պետ, գեներալ-մայոր Վախթանգ Կապանաձեն հյուրերին հրավիրեց պաշտոնական ճաշի:

Հայկական պատվիրակությունն այցելեց նաեւ Գորիում տեղակայված Վրաստանի ազգային պաշտպանական ակադեմիա: Ռազմակրթական այս օջախում Դավիթ Տոնոյանը հանդես եկավ «Հարավային Կովկասում տարածաշրջանային անվտանգությունը եւ միջազգային կազմակերպությունների դերակատարումը» խորագիրը կրող զեկուցումով:



ՈՒԿՐԱԻՆԱ

ՀԱՄԱԶԱՅՆՈՒԹՅՈՒՆ ՍԱՀՄԱՆԱԶԱՏՄԱՆ ԳԾԻ ՇՈՒՐՋ

«Նորմանդական քառյակի» արտաքին գործերի նախարարները Բեռլինում կայացած հանդիպմանը համաձայնագիր են կնքել Ուկրաինայում սահմանազատման գծի վերաբերյալ, պայմանավորվել են սպառազինությունների հետքաշմանն աջակցելու եւ Շվեդան խմբի հանդիպումները շարունակելու շուրջ: Այդ մասին հայտարարել են Գերմանիայի եւ Ռուսաստանի ԱԳ նախարարներ Ֆրանկ-Վալտեր Շտայնմայերը եւ Սերգեյ Լավրովը:

ՈՐՈՇՈՒՄ՝ ՅԱՆՈՒԿՈՎԻՉԻ ԶԵՐԲԱԿԱԼՄԱՆ ՄԱՍԻՆ

Կիեւի Պեչորյան շրջանային դատարանը Ուկրաինայի նախկին նախագահ Վիկտոր Յանուկովիչի ձերբակալման որոշում է կայացրել: Այդ մասին հաղորդվում է Ուկրաինայի գլխավոր դատախազության կայքում:

Գերատեսչության հաղորդագրության մեջ ասված է, որ Յանուկովիչի ձերբակալման սանկցիան թույլ կտա «գլխավոր դատախազության քննիչներին»՝ պահանջելու Յանուկովիչի արտահանձնումը Ռուսաստանի Դաշնության տարածքից»:

Մեկ շաբաթ առաջ, Ինտերպոլը Վիկտոր Յանուկովիչի հետխուզում է հայտարարել: Այն ժամանակ Ռուսաստանի գլխավոր դատախազ Յուրի Չայկան հայտնեց, որ ՌԴ-ի գլխավոր դատախազությունը ուկրաինացի գործընկերներից հարցումներ չի ստացել Յանուկովիչի եւ հարեւան պետության քաղաքական այլ գործիչների հանձնման վերաբերյալ:

ԴՈՆԵՑԿՈՒՄ ԶՈՐԿԵԼ Է 13 ԽԱՂԱՂ ԲՆԱԿԻՉ

Հունվարի 20-ին Դոնեցկի Լենինյան շրջանի Կուպրինի խողոցի կամգառի գնդակծման զոհ է դարձել 13 մարդ, եւս 20-ը վերքեր են ստացել: Բժիշկների տվյալներով, տուժածներից շատերը ծանր վիճակում են: Բուժօգնության են շարունակում դիմել մարդիկ, ովքեր եղել են պատահարի վայրում:

ՄԱԿ-ի Անվտանգության խորհուրդը «ամենայն վճռակնություն» դատապարտել է Դոնեցկում հանրային տրանսպորտի կանգառի գնդակծումը եւ ընդգծել մեղավորներին պատասխանատվության ենթարկելու անհրաժեշտությունը:

ԵՎՐԱՄԻՈՒԹՅՈՒՆ ՊԱՏԺԱՄԻՋՈՑՆԵՐԸ ԿՊԱՐՊԱՆԿԵՆ

Եվրամիության արտաքին գործերի նախարարները որոշեցին շարունակել Ռուսաստանի նկատմամբ քաղաքականությունը եւ, մասնավորապես, պահպանել այն պատժամիջոցները, որոնք սահմանվել են Ղրիմի բռնակցմանն ու Դոնբասի աշխարհագրայինների աջակցմանն ի պատասխան: ԵՄ-ի արտաքին գործերի եւ անվտանգության քաղաքականության գերագույն ներկայացուցիչ Ֆեդերիկա Մոգերինին հայտարարել է, որ վերջին օրերին Ուկրաինայի իրադրությունը նկատելիորեն վատացել է:

ԱՖՐԻԿԱ ԱՃՈՒՄ Է ԷԲՈԼԱՅԻ ԶՈՐԵՐԻ ԹԻՎԸ

Էթոպիայի վիրուսի հարուցած հիվանդության զոհերի թիվը հասել է 8 հազար 626-ի, վարակված է 21 հազար 689 մարդ: Այդ մասին վկայում են Առողջապահության համաշխարհային կազմակերպության իրապարական տվյալները: Հիվանդանալու նշված բոլոր դեպքերը վերաբերում են Արեւմտյան Աֆրիկայի երեք երկրի՝ Գվինեային, Լիբերիային եւ Սիեռա Լեոնեին:

Հիվանդանալու դեպքեր են գրանցվել նաեւ Մալիում, Նիգերիայում, Սենեգալում, Իսպանիայում, Մեծ Բրիտանիայում եւ ԱՄՆ-ում: Սակայն, այս երկրների մեծ մասում վարակվածների թիվը չի գերազանցում տասը: Բացառություն է կազմում Նիգերիան, որտեղ վարակվել է 20 եւ մահացել 8 մարդ:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԵՎՐԱՍԻՈՒԹՅՈՒՆ-ՎՐԱՍՏԱՆ

ԸՆԴՈՒՆՎԵՅ 2015 ԹՎԱԿԱՆԻ ԱՍՈՅԻԱՅՄԱՆ ՕՐԱԿԱՐԳԻ ԾՐԱԳԻՐԸ

Վրաստանի կառավարությունը հաստատել է 2015 թվականի համար ասոցիացման օրակարգի գործողության ծրագիրը:

Այս մասին կառավարության նիստի ավարտից հետո հայտարարեց եվրոպական եւ եվրատյանայան ինտեգրման հարցերով պետնախարար Դավիթ Բաքրաձեն: «Դա ծավալուն փաստաթուղթ է, բովանդակում է շուրջ 200 էջ: Փաստաթղթում մանրամասն ներկայացված են բոլոր միջոցառումները: Հու-

սով եմ, որ ծրագրի իրականացումը հաջող ավարտ կունենա», - ընդգծեց պետնախարարը:

Հիշեցնենք, որ եվրամիության հետ Ասոցիացման համաձայնագիրը Վրաստանը ստորագրել է անցյալ տարի, եւ ներկա դրությամբ ուժի մեջ է մտել համաձայնագրով նախատեսված կետերի 80 տոկոսը:



ԱՌՈՂՋԱՊԱՐԿՈՒԹՅՈՒՆ

2015-Ը՝ Ը ՅԵՊԱՏԻՏԻ ԴԵՄ ՊԱՅՔԱՐԻ ՏԱՐԻ



2014 թվականի նոյեմբերին Վրաստանի աշխատանքի, առողջապահության եւ սոցիալական պաշտպանության նախարար

Հունվարի 15-ին Վրաստանի վարչապետ Իրակլի Դարիբաշվիլին կառավարության նիստում 2015 թվականը երկրում հայտարարեց Հեպատիտ C-ի դեմ պայքարի տարի:

Դավիթ Սերգեյենկոյի ԱՄՆ այցի ընթացքում համաձայնություն էր ձեռք բերվել, ըստ որի, 2015 թվականին ԱՄՆ-ից Վրաստան է բերվելու Հեպատիտ C-ի բուժման պատրաստուկ՝ սոֆոսբուվիր, որը հասանելի կլինի հանրապետությունում բնակվող հիվանդների համար: «Այս տարի մեր կառավարության գլխավոր մարտահրավերը լինելու է Հեպատիտ

C-ի լրիվ հաղթահարումը, ուստի, մենք 2015 թվականը հայտարարում ենք Հեպատիտ C-ի դեմ պայքարի տարի», - ասել է Դարիբաշվիլին:

Նրա խոսքով, Վրաստանում Հեպատիտ C-ի խնդիրը երկար տարիներ եղել է անհաղթահարելի, բայց «կառավարության մեծ ջանքերի շնորհիվ, այսօր խոսքն այդ հիվանդության լիակատար հաղթահարման մասին է»:

ՕՐԵՆԱԴՐԱԿԱՆ

ՏՈՒԳԱՆՔՆԵՐ՝ ԶՆԱԽԱՏԵՍՎԱԾ ՎԱՅԵՐՈՒՄ ԱՂԲ ԹԱՓԵԼՈՒ ՀԱՄԱՐ

Ինչպես արդեն հաղորդել ենք, Վրաստանի խորհրդարանը տարեվերջին ընդունեց փոփոխություններ «Թափոնների կառավարման մասին» օրենսգրքում:

Հունվարի 15-ից ուժի մեջ մտած օրենսգրքի համաձայն, խստացված է փողոցում մաքրության պահպանման վերահսկողությունը, եւ աճել են չնախատեսված վայրում աղբ թափելու տուգանքները:

Փողոցում մաքրության պահպանմանը կհետեւի պարեկային ոստիկանությունն իր իրավասու-

թյան շրջանակներում տեղական իշխանությունների եւ Վրաստանի շրջակա միջավայրի նախարարության հետ մեկտեղ:

Նվազագույն տուգանքը՝ 50 լարի (շուրջ 26 դոլար), նախատեսված է շենքի կամ այլ ընտանի կենդանիների կղանքով տարածքի աղտոտման դեպքում, եթե կենդանու տերն անմիջապես չի

մաքրում տարածքը:

Ֆիզիկական անձանց համար առավելագույն տուգանքը սահմանված է 500 լարի (շուրջ 263 դոլարի) չափով:

Շրջակա միջավայրը միւնչել 2 կիլոգրամ աղբով աղտոտելու համար իրավազանցն ստիպված կլինի վճարել 80 լարի (շուրջ 42 դոլար), իսկ եթե աղբը մետել են անմիջապես շենքից՝ 100 լարի (շուրջ 52,6 դոլար): Նույն տուգանքն է սահմանված չնախատեսված վա-

րում մարտկոցների, կուտակիչների, էլեկտրական լամպերի, էլեկտրատեխնիկայի, ինչպես նաեւ կտրող- ծակող առարկաների, ապակու բեկորների եւ այլ նյութերի նետման համար: Ավելի քան 1 խորանարդ մետր շինանյութ թափելու համար տուգանքը 200 լարի է:

Ավտոմոբիլից կամ հասարակական տրանսպորտից աղբի նետման համար իրավախախտը կտուգանվի 120 լարիով (շուրջ 63 դոլարով):

ՕՐԵՆԱԳՐՔԻ ՓՈՓՈԽՈՒԹՅՈՒՆՆԵՐԸ ԽԱՏԱՑՆՈՒՄ ԵՆ ՊԱՏԺԱՄԻՋՈՑՆԵՐԸ

Վրաստանում Քրեական օրենսգրքում ուղղումներ են մշակվում ահաբեկչության դեմ պայքարի եւ «արարական գարնանը» երկրի քաղաքացիների մասնակցության դեմ արշավի շրջանակներում:

Վրաստանի արդարադատության նախարար Թեա Ցուլուկիանին հայտարարեց, որ երկրի քրեական օրենսգիրքը ներառում է նոր հոդված, որի համաձայն, երկրի սահմաններից դուրս անօրինական զինված կազմավորումներին Վրաստանի քաղաքացիների մասնակցությունը համարվում է հանցագործություն: Նրա խոսքով, օտար երկրի տարածքում զինված կազմավորմա-

նը մասնակցությունը, որը նախատեսված է տվյալ պետության օրենսդրությամբ, այնպիսի նպատակներով, որոնք հակասում են Վրաստանի շահերին, կպատժվի օրենքով:

Նախարարը նշեց, որ օրենսդրական նախաձեռնությունը, որը մշակվել է Վրաստանի ներքին գործերի նախարարությունում, արդեն ներկայացվել է խորհրդարան:

Ինչ վերաբերում է Վրաստանի այն քա-

ղաքացիներին, ովքեր կռվում են Ուկրաինայում, ապա, ինչպես հայտարարել է արդարադատության նախարարը, վերոհիշյալ փոփոխությունները նրանց վրա կտարածվեն սոսկ այն դեպքում, եթե նրանք դառնան անօրինական զինված կազմավորումների անդամներ:



ՊԱՇՏՈՆԱԹՈՂՈՒԹՅՈՒՆ



ԱԼԵՔՍԱՆԴՐ ԵՒԿԱԻԶԵՆ ՀՐԱԺԱՐԱԿԱՆ Ե ՏՎԵԼ

Հունվարի 23-ին Վրաստանի ներքին գործերի նախարար Ալեքսանդր Ճիկաիձեն պաշտոնաթողության դիմումով դիմել է Վրաստանի վարչապետ Իրակլի Դարիբաշվիլին:

«Իմ որոշումը պայմանավորված է նրանով, որ վերջին ժամանակներս մեղադրանքներ են հնչում այն մասին, թե ես իբր թաքցնում եմ Ձուրաբ Վազազաշվիլու սպանության մասնակիցներին: Չնայած, որ այդ մեղադրանքը չի համապատասխանում իրականությանը, ես բարոյական պատասխանատվություն եմ զգում եւ թողնում եմ իմ զբաղեցրած պաշտոնը», - ասված է Ճիկաիձեի հայտարարության մեջ, որը հրապարակված է ՆԳ նախարարության կայքում:

Ձուրաբ Վազազաշվիլու գործը վերստին ակտուալ է դարձել այն բանից հետո, երբ հունվարի 20-ին նրա հայրը՝ Յուրի Վազազաշվիլին, զոհվեց Շիդա Քարթլիի տարածաշրջանի Կասպիի շրջանի Ղարապիլա գյուղի գերեզմանատանը:

Վրաստանի վարչապետ Իրակլի Դարիբաշվիլին բանավոր ընդունեց ՆԳ նախարարի պաշտոնաթողության դիմումը, իսկ դրա բավարարումը տեղի կունենա երկուշաբթի: Վրաստանի ՆԳ նախարարի պաշտոնակատար է նշանակվել ՆԳ առաջին փոխնախարար Վախթանգ Գոմելաուրին:


ՔՐԵԱԿԱՆ

ՀԱՐՈՒՑՎԵԼ Է ՔՐԵԱԿԱՆ ԳՈՐԾ. ՈՐԴՈՒ ՇԻՐԻՄԻ ՎՐԱ ՊԱՅԹԵՑՎԵԼ Է ՅՈՒՐԻ ՎԱԶԱԳԱՇՎԻԼԻՆ

Հունվարի 20-ին, Կասպիի շրջանի Ղարապիլա գյուղի գերեզմանատանը, որդու՝ 2006 թվականին Թբիլիսիի «Դինամո» թենիսի հրապարակի շրջակայքում գնդակահարված Ձուրաբի շիրմի վրա, զոհվել է Յուրի Վազազաշվիլին: Ինչպես տեղեկացրել է դատախազությու-

նը, Յուրի Վազազաշվիլին զոհվել է շիրմի վրա դրված ծաղկամանում տեղակայված ռումբի պայթյունի արդյունքում:

Տեղի ունեցածի կապակցությամբ, Վրաստանի դատախազությունը հարուցել է քրեական գործ:



ԱԶԳԱՅԻՆ ԲՆՈՒԹՅՈՒՆՆԵՐԸ ԿՆԵՐԱՌԵՆ ՆՈՐ ԱՌԱՐԿԱ

Ընտրության համար ազգային քննություններում կներառվի նոր առարկա՝ քաղաքացիական կրթություն:

Բուհերը իրենք կընտրեն, թե որ առարկան են ներառելու պարտադիր ընտրությանը ենթակա երեք առարկաների թվում:

Նշենք, որ մինչ այդ դիմորդները պետք է հանձնեն երեք պարտադիր առարկա՝ վրաց լեզու եւ գրականություն, օտար լեզու եւ ընդհանուր ունակություններ ու ոչ պարտադիր՝ ըստ ընտրության ութ առարկաներից մեկը:

Վրաստանում միասնական ազգային քննությունները կսկսվեն հունիսի 25-ին:

ՍԱԿՐԵՐՈՒԼՈՆ ՓՈԽԵՑ ՍՈԼՈՒԱԿԻ ԿԱՐԳԱՎԻՃԱԿԸ

2014-ի տարեվերջին Թբիլիսիի սակրեբուլոն՝ 23 կողմ եւ 10 դեմ ձայներով, փոխեց Սոլուակի թաղամասի կարգավիճակը: Այն վերաբերում է թաղամասի լանդշաֆտային կանաչապատման գոտուն: Կարգավիճակի փոփոխման դեմ հանդես եկան սակրեբուլոյի «Ազատ ժողովրդավարներ» եւ «Ազգային շարժում» խմբակցությունները:

ՆՊԱՍՏ՝ ԸՍՏ ԴԻՖԵՐԵՆՑԱԾ ՄԻՆԵՄԱՅԻ

Սոցիալապես անապաշտպան անձանց օգնությունը այսուհետ կտրվի դիֆերենցիալ սխեմայով: Այդ մասին հայտարարեց սոցիալական սպասարկման գործակալության ղեկավար Գայոզ Տալախվաձեն: Նրա հայտարարությամբ, նոր մեթոդոլոգիան թույլ է տալիս այդ ուղղությամբ իրականացնել արմատական փոփոխություն: Նա ուշադրությունը բեւեռեց այն փաստին, որ զնահատման չափորոշիչները կլինեն օբյեկտիվ, եւ դրանց վրա տուբեկտիվ կարծիքի ազդեցությունը կհասցվի նվազագույնի: «Ով ավելի մեծ կարիքի մեջ է, նա ավելի շատ կստանա: Եթե նախկինում սահմանված էր 57 հազար միավորի սահմանագիծը, ապա ներկայումս կլինեն մի քանի սահմանագծեր: Մասնավորապես, ներդրվում է 30 հազար, 57 հազար, 60 հազար եւ 65 հազար միավորի սահմանագիծը: Բացի այդ, UNICEF-ի պահանջով ու առաջարկությամբ ներդրվում է երեխայի համար նախատեսված հավելում, որը կտրվի բոլոր այն մարդկանց, ովքեր ունեն 100 հազար միավորից պակաս, եւ յուրաքանչյուր երեխայի հաշվով այն սահմանված կլինի 10 լարիի չափով», - հայտարարեց Գայոզ Տալախվաձեն:

ՆՈՐ ՏԱՐՈՒՄ ԼԱՐԻԻ ԱՐԺԵԶՐԿՈՒՄԸ ՇԱՐՈՒՆԱԿՎՈՒՄ Է

Վրաստանի առևտրային բանկերում եւ արժույթի փոխանակման կետերում ամերիկյան մեկ դոլարի արժեքը գերազանցել է 2 լարին: Հունվարի 23-ի դրությամբ, «Վրաստանի բանկում» սպասարկյալները կարող են 1 դոլարը ձեռք բերել 2,04 լարիով, «Բանկ TBC»-ում՝ 2,01 լարիով, «Ռեսպուբլիկա» բանկում՝ 2,03 լարիով, «Լիբերթի բանկում»՝ 2,02 լարիով: Առևտրային բանկերում 1 դոլարն ընդունում են 1,95-1,96 լարիով:

Նշենք, որ լարիի փոխարժեքն սկսել է իջնել անցյալ տարվա նոյեմբերից: Նոյեմբերի 1-ին դոլարի նկատմամբ լարիի փոխարժեքը կազմում էր 1,67: Լարիի փոխարժեքի պահպանման համար, անցյալ տարվա վերջին Վրաստանի ազգային բանկը վաճառել է 80 միլիոն ամերիկյան դոլար: Դեկտեմբերի 31-ին 1 դոլարն արժեր 1,86 լարի:

Նոր տարում լարիի արժեքը կունեն շարունակվել է: Ազգային բանկի կողմից հաստատված փոխարժեքի համաձայն, հունվարի 23-ից ԱՄՆ-ի մեկ դոլարը կարելի կլինի ձեռք բերել 1,98 լարիով:

ՀԱՐՑԱԶՐՈՒՅՑ

ՅՈՒՐԻ ՎԱՐԴԱՆՅԱՆ.«ԻՆՁ ՀԱՄԱՐ ՄԵԾ ԴԱՏԻՎ Ե ՀԱՅԱՍՏԱՆԸ ՆԵՐԿԱՅԱՑՆԵԼ ՄԵՐ ԱՄԵՆԱՄԵՐՁԱՎՈՐ ՀԱՐԵՎԱՆ ՈՒ ԱՄԵՆԱՄՏԵՐԻՄ ԲԱՐԵԿԱՄ ԵՐԿՐՈՒՄ»

(Սկիզբը՝ 1-ին էջում)

ծուներությունը եւ ճանապարհի հարթում դեպի կոնկրետ ձեռքբերումները:

- Արդեն վեց ամիս է, ինչ Դուք Վրաստանում ներկայացնում եք Հայաստանը: Մի քանի խոսք՝ Ձեր տպավորությունների եւ Վրաստանում հայաստանյան դիվանագիտական առաքելության առաջնահերթությունների մասին: Ձեր կարծիքով, ի՞նչ է առաջին հերթին բնորոշ Վրաստան-Հայաստան փոխհարաբերություններին:

- Վրաստանում, առաջին հերթին, ինձ վրա տպավորություն է գործել մարդկանց ջերմ եւ բարյացակամ վերաբերմունքը, ինչը ես, ընդհանրապես, շատ բարձր եմ գնահատում եւ՝ մարդկային, եւ՝ աշխատանքային տեսակետից: Դրա միջոցով ձեռավորվող մթնոլորտը լավ ֆոն է ստեղծում թե՛ անձնական, թե՛ գործնական հարաբերությունների հաստատման ու զարգացման համար, ինչը, իր հերթին, առաջնային նշանակություն ունի դիվանագետի աշխատանքում:

Ինչ վերաբերում է առաջնահերթություններին, ապա, հաշվի առնելով, որ աշխարհաքաղաքական տեսակետից Վրաստանը Հայաստանի համար վճռորոշ երկիր է, փաստորեն, դարպաս է դեպի արտաքին աշխարհ, ուստի հայ-վրացական հարաբերություններում ամենաչնչին զարգացումը, առաջընթացը կարելու է նշանակություն ունի: Կարելի է ասել, որ առաջնահերթությունն չունեցող հարցեր մեր երկրների հարաբերությունների օրակարգում չկան:

Այնուամենայնիվ, հաղորդակցության բնագավառը եւ հայկական համայնքի առկայությունը եւ դիտարկում են որպես այն հեռավորները, որոնց շուրջ եւ որոնց հիմքի վրա պետք է կառուցվի հայ-վրացական բազմակողմ ու բազմազան հարաբերությունների ամբողջ համակարգը: Կարծում եմ, որ «եղբայրական հարաբերություններ» հասկացությունը, որը կասկածի տակ չեն առնում ո՛չ Հայաստանում, ո՛չ էլ Վրաստանում, պետք է լցվի նոր բովանդակությամբ, որը համահունչ կլինի XXI դարում մեր երկրների եւ ժողովուրդների առջեւ ծագած քաղաքական ու սոցիալական մարտահրավերներին:

- Ինչպես հայտնի է, Վրաստանը կողմնորոշված է եվրամիության եւ ՆԱՏՕ-ին անդամակցությանը, ստորագրել է Եվրամիության հետ Ասոցիացման համաձայնագիրը: Իսկ Հայաստանը միտված է անդամակցել Եվրասիական տնտեսական միությանը (ԵԱՏՄ) եւ ՀԱՊԿ-ի անդամ է: Որքանո՞վ կարող է կողմնորոշումների վերոնշյալ տարբերությունն ազդեցություն գործել երկու երկրների հարաբերությունների վրա: Ինչպիսի՞նք են ի շահ երկու երկրների՝ Վրաստանի եվրոպական եւ Հայաստանի ԵԱՏՄ-ի կողմնորոշման օգտագործման հնարավորությունները:

Ընդհանրապես, ինչպիսի՞նք է մեր երկու երկրների միջեւ տնտեսական, առևտրական փոխհարաբերությունների դիմամիկան: Որքանո՞վ են երկու կողմերից լրիվությամբ օգտագործվում ունեցած ներուժը:

- Ակնհայտ է, որ տարբեր քաղաքական, տնտեսական ու ռազմական միավորումներին պատկանելության պարագան պետությունների փոխհարաբերությունների համար լրացուցիչ մարտահրավեր է, եւ այն կարելի է հաղթահարել միայն փոխադարձաբար համապատասխան քաղաքական կամք դրսևորելու դեպքում:

Բարեբախտաբար, այդպիսի կամք չի պակասում ո՛չ Հայաստանի, ո՛չ էլ Վրաստանի իշխանություններին: Նման հայտարարություն անելու իրավունք ինձ տալիս է ոչ միայն մեր երկրների ղեկավարների որդեգրած պաշտոնական քաղաքականությունը, այլեւ Վրաստանում Հայաստանի առաքելության ղեկավարի պաշտոնավարման ընթացքում իրականացված աշխատանքային շփումները:

Վերջին տարում տեղի ունեցած բոլոր մակարդակներով փոխայցելությունների ժամանակ քննարկումների համար առաջին հարցը եղել է այն, թե ինչպես Հայաստանի՝ Եվրասիական տնտեսական միության (ԵԱՏՄ) անդամակցության եւ Վրաստանի Եվրամիության (ԵՄ) անդամակցման իրողությունը օգ-

տագործել ի նպաստ մեր երկրների տնտեսական զարգացման ու քաղաքական փոխըմբռնման:

Մեր պետությունների պաշտոնատար անձինք՝ սկսած երկրների նախագահներից, ավարտած համապատասխան գերատեսչությունների ղեկավարներով, բազմիցս հայտնել են վերոնշյալ գաղափարին իրենց հավատարմության մասին եւ տեղյակ են պահել այդ ուղղությամբ իրականացվող քայլերին:

Ավա՛ղ, այստեղ պատրաստի «դեղատոմսեր» չկան, մենք ինքներս այժմ մշակում ենք անհրաժեշտ միջոցներ մաքսային, հարկային եւ այլ բնագավառներում, սակայն համոզված ենք, որ կհասնենք մեր նպատակին՝ ի շահ մեր երկու պետությունների ու ժողովուրդների:

Արդեն կան կոնկրետ պայմանավորվածություններ այդ ուղղությամբ, որոնք ապացուցում են, որ Հայաստանի միանալը ԵԱՏՄ-ին եւ Վրաստանի ԵՄ-ի հետ Ասոցիացման համաձայնագրի ստորագրումը խոչընդոտ չեն դառնա մեր երկու երկրների միջեւ փոխադարձ տնտեսական կապերի համար: Այսպես, Հայաստանի վարչապետ Յուրի Ֆրա-հմյանի ղեկնմանից իջնալիս կատարած այցի շրջանակներում, վերջնականապես ձեռք է բերվել պայմանավորվածություն, որ Հայաստանի եւ Վրաստանի միջեւ ազատ առևտրի մասին համաձայնագիրը պահպանվում է. մաքսատուրքեր մեր երկրների միջեւ չեն լինելու:

Եթե մի կողմ թողնենք մասնագիտացված հարցերը, ապա կարող եմ ասել, որ գլխավոր գաղափարը կայանում է նրանում, որ Վրաստանը Հայաստանի համար պետք է կատարի դեպի ԵՄ «լուսամուտի» գործառույթը եւ, համապատասխանաբար, Հայաստանը Վրաստանի համար՝ դեպի ԵԱՏՄ:

Յենց այս խնդրի լուծումից կախված կլինի մեր երկու երկրների միջեւ տնտեսական, առևտրական փոխհարաբերությունների հետագա զարգացման դիմամիկան եւ արդյունավետությունը:

- Ձեր կարծիքով, ի՞նչ հնարավորություններ կան Հայաստանում վրացական գործարարության, իսկ Վրաստանում հայկական գործարարության մասնակցության մակարդակի բարձրացման համար: Ի՞նչ համատեղ նախագծեր կարող են իրականացվել վրաց եւ հայ գործարարների կողմից:

- Տնտեսական համագործակցությունը, այդ թվում՝ նաեւ անհատ-գործարարների միջոցով, միշտ եղել է հայ-վրացական հարաբերությունների խարիսխը: Համագործակցության ավանդական ոլորտներ են համդիսցել էներգետիկան, տրանսպորտը, գյուղմթերքների արտադրությունը, սննդարդյունաբերությունը, շինանյութերի արտադրությունը ու հանքարդյունաբերությունը, իսկ վերջին տարիներին հատկապես զարգացել է տուրիզմը:

Մեր երկրների միջեւ բնիզմեսի, առևտրաշրջանառության ծավալները տարեցտարի աճում են: Առանձնապես նկատվում է հայկական բնիզմեսի աճը Վրաստանի ուղղությամբ, ինչը հիմնականում պատճառաբանվում է նրա զարգացմամբ եւ սպառման համար նոր հնարավորություններին որոնման անհրաժեշտությամբ:

Եթե նախկինում ավելի շատ Վրաստանն էր ապրանքներ արտահանում Հայաստան, իսկ Հայաստանից Վրաստան արտահանու-

մը բավականին սահմանափակ էր, ապա 2013 թվականից դրությունը սկսեց փոխվել: Այժմ Հայաստանից Վրաստան ներմուծման ծավալներն աճել են գրեթե երեք անգամ՝ կազմելով Վրաստանի ընդհանուր ներկրումների 2,5%-ը: Եթե 2012 թվականին Հայաստանից Վրաստան ներմուծումը կազմել է մոտավորապես 71 մլն դոլար, ապա 2013-ին՝ արդեն 182 մլն, իսկ 2014 թվականի առաջին ինն ամիսների ընթացքում՝ 190 մլն դոլար: Տպավորիչ առաջընթաց է:

Ինչպես արդեն նշեցի, ծավալման տեսակետից առանձնանում է զբոսաշրջությունը: 2013 թվականին Վրաստան այցելած զբոսաշրջիկների թվով Հայաստանը երրորդն է եղել: Վրացական պետությունը, արժեւորելով Վրաստանում հայ գործարարների այսօրվա ներկայությունը, շարունակում է խրախուսական քաղաքականություն վարել բիզնեսի այդ ոլորտում: Օրինակ, Վրաստանի ծովափնյա՝ Թբիլիսիի եւ Անակլիայի շրջաններում ամենաբիշը 50 սենյակ ունեցող հյուրանոցների սեփականատերերը, ովքեր մեկ մլն լարիից ավելի ներդրում են կատարել, 15 տարի ժամկետով ազատվում են գույքահարկի եւ շահութահարկի վճարումից:

Մի խոսքով, մենք ակնկալում ենք, որ այդ դրական զարգացումները, որ տեղի են ունեցել մեր տնտեսական հարաբերություններում, հետագայում էլ կպահպանեն իրենց ձեռք բերած դիմամիկան:

- Եթե փորձեք ընդհանուր առմամբ գնահատել Վրաստանի ներքաղաքական իրավիճակը, ինչպիսի՞նք է Ձեր բնորոշումը:

- Կարծում եմ, որ այն ժամանակաշրջանը, ինչ ես աշխատում եմ Վրաստանում, բավական չէ նստավայր երկրի ներքաղաքական իրավիճակին խորապես հասու լինելու համար: Այնուամենայնիվ, ձեր հարցը անպատասխան չթողնելու համար, կարող եմ ասել, որ ինձ համար՝ որպես դեսպան, կարելու է այն է, որ Վրաստանում կա կայուն, կառավարման լծակներ իր ձեռքում ամուր բռնած, ժողովրդավարական սկզբունքների հիման վրա կառուցված իշխանություն: Դրանք լավագույն պայմաններ են, որպեսզի երկրում հավատարմագրված այլ պետության ներկայացուցիչությունը կարողանա իրականացնել իր վրա դրված պարտականությունները:

- Ձեր կարծիքով, ի՞նչ դեր է կատարում վիրահայ համայնքը վրաց ներքաղաքական կյանքում, որքանո՞վ է այն ինտեգրված երկրի հասարակական կյանքում: Փառտնիք չէ, որ, մասնավորապես Թբիլիսիում, Բաթումիում՝ ինտեգրման մակարդակը շատ ավելի բարձր է, քան տարածաշրջաններում: Խոսքը վերաբերում է պետական լեզվի իմացությանը, հասարակական կյանքին մասնակցության մակարդակին եւ այլն: Ի՞նչ կասե՞ք այդ մասին:

- Եթե մենք խոսում ենք Վրաստանի ներքաղաքական կյանքում հայկական համայնքի դերի մասին, ապա սկզբից պետք է իրա-րից տարանջատենք հայկական համայնքի՝ որպես միասնության եւ նրա առանձին ներկայացուցիչների հանրագումար դերերը:

Առաջին դեպքում պետք է ակնկալել, որ իր ուրույն մշակութային, հոգեւոր ու հասարակական եւ այլ ակտիվությամբ համայնքն աչքի ընկնող տեղ գրավի բազմազգ Վրաստանի գեղատեսիլ «քարտեզի» վրա: Ես տեղյակ եմ, որ այդ առումով վիրահայ համայն-

քի կյանքում գրանցվել են լուրջ դրական տեղաշարժեր, եւ այստեղ ես կուզենայի առանձնացնել Վիրահայոց թեմի ու անձանք թեմի առաջնորդ Տեր Վազգեն եպիսկոպոս Միրզախանյանի դերակատարությունը:

Ի դեպ, պետք է նշեմ, որ Սրբազանը, ով քաջատեղյակ է իր հոգեւոր հոտի, առհասարակ վիրահայ համայնքի անցուղարձին, հիմնախնդիրներին ու հոգսերին, անփոխարինելի աշխատանք է կատարում՝ համայնքի հետ շփումներում: Նորին սրբությունը հաճախ մասնակցել է իմ աշխատանքային եւ ճանաչողական հանդիպումներին, նա նաեւ ուղեկցել է ինձ Սամցխե-Ջավախեթի տարածաշրջան իմ աշխատանքային այցի ժամանակ:

Ինչ վերաբերում է երկրորդին, ապա քաղաքական, տնտեսական, գիտական, արվեստի, մի խոսքով, երկրի կյանքի ամենատարբեր բնագավառներում, իմ կարծիքով, հայկական համայնքի դերը պետք է ձեռավորվի նրա անհատ ներկայացուցիչների պրոֆեսիոնալ հաջողությունների հաշվին: Այստեղ ես հատկապես կարելու էմ ամենապակաս լեզվի իմացությունը, կրթությունը, կարիերային առաջադիմությունը:

Հակիրճ կուզենայի անդրադառնալ նաեւ ջավախահայության պարագային: Վերջերս ես շատ հետաքրքիր եւ ուսանելի այցելություն եմ կատարել Ջավախք, որի ընթացքում համոզվել եմ, որ չնայած տարբեր սոցիալական ու տնտեսական բարդությունների, որոնց ընդհարվում է տեղական բնակչությունը, նրանց մոտ չի նկատվում ո՛չ ընկճվածություն, ո՛չ էլ պասսիվություն: Ընդհակառակը, նրանք ձգտում են ակտիվորեն տնօրինել իրենց կյանքը, բարելավել իրադրությունը տարածաշրջանում: Բավականին ակտիվ են այնտեղ հայկական հասարակական կազմակերպությունները, աճում է ջավախքցիների, հատկապես՝ երիտասարդ սերնդի ներկայացուցիչների ակտիվությունը սոցիալական ցանցերում, ինչպես նաեւ նրանց պահանջարկիությունը տեղական ինքնակառավարման մարմինների գործունեության նկատմամբ: Կարծում եմ, որ այդ ամենը Վրաստանի ներքաղաքական կյանքում ջավախահայության դերի բարձրացման վստահելի նախապայման է:

- Հավանաբար, մեկ անգամ չէ, որ Վրաստանի ազգությամբ հայ քաղաքացիները տարբեր հարցերով դիմում են դեսպանություն, ամմիջականորեն՝ Ձեզ: Եվ շատ հաճախ այդ հարցերը բացարձակապես չեն առնչվում դեսպանության իրավասություններին: Նման դեպքերում ինչպե՞ս եք վարվում եւ ի՞նչ խորհուրդ կտա՞յիք մեր ընթերցողներին այդ առումով:

- Նախ, ցանկանում եմ ասել, որ մեր դեսպանությունը՝ սկսած նրա ղեկավարից, ավարտած անձնակազմի ամեն մի ներկայացուցչով, տրամադրված է հնարավորինս օգտակար լինել եւ գորավիզ կանգնել Վրաստանի հայազգի քաղաքացիներին նրանց հուզող բոլոր հարցերում: Դա բխում է ոչ այնքան մեր բարյացակամությունից, որքան մեր առջեւ դրված խնդրից՝ աջակցել հայկական համայնքին իր օրինական իրավունքների կիրառման ու շահերի պաշտպանման հարցում՝ նպաստելով նրա ազգային ինքնության պահպանությանը եւ վրաց հասարակությունում նրա սոցիալական դերի բարձրացմանը: Բացի այդ, մենք պարզապես ուզում ենք, որ դեսպանություն դիմած ցանկացած մարդ, առնվազն գոնե մեկ քայլով առաջ ընթանա իր առջեւ ծառացած խնդրի լուծման գործում: Եվ, կարծում եմ, որ հիմնականում մեզ հաջողվում է իրագործել այդ սկզբունքը:

Սակայն հաճախ, դուք միանգամայն իրավացի եք, վրաստանահպատակ մեր հայրենակիցները դիմում են ՀՀ դեսպանություն այնպիսի հարցերով, որոնցում մենք չենք կարող աջակցի լինել այն պարզ պատճառով, որ դա դուրս է գալիս մեր իրավասությունների շրջանակից եւ կարող է որակավորվել որպես միջամտություն Վրաստանի ներքին գործերին: Ուստի, նման դեպքերում, ամենաշատը, ինչ մենք կարող ենք անել, խորհուրդ տալն է, թե ինչպես նրանք վարվեն:

(Շարունակությունը՝ 6-րդ էջում)